



## Aningaasaqarnermut Naalakkersuisoq

Ulloq: 1. juli 2026  
J.nr.: 01.31.06/26-01178

### **Aningaasaqarnermut Akileraartarnermullu Ataatsimiititaliap marlungornermi ulloq 30. juni 2026-mi aalajangiineranik Naalakkersuisunut ilisimatitsineq.**

**Imminut pilersornerunissamut sammisumik inuussutissarsiutitut siuarsaanissamut AI2026-mi atugassiissutigineqartut 1 mio. kr.-it aningaasaliissutigineqarnissaat pillugu ilassutitut aningaasaliisoqarnissaanik qinnuteqaat. Ataatsimiititaliap suliaa nr. 01.31.06/26-01178.**

”Naalakkersuisut **inassutigaa**,

- Kontumut pingaarnermut 20.11.70 Suliniutitut nutaanut sillimmatit aningaasaliissutit 1.000.000 kr.-nik ilanngarneqassasut
- Kontomi pingaarnermi, 51.07.08 Kalaallit Nunaanni imminut pilersornerup inerisarnera, aningaasaliissutit 1.000.000 kr.-nik ilaneqassasut.”

### **Aningaasaqarnermut Ataatsimiititaliap oqaaseqaatai apeqqutaalu**

Ilangussami 2-mi kontumut pingaarnermut 20.11.70 Suliniutitut nutaanut sillimmatit-nut missingersuutitut ilanngussap aqqissuussaanerani kukkusoqarsimagunarnera ataatsimiititaliap maluginiarpaa. Timitaliinerup kingorna kontumi pingaarnermi aningaasaliissutit 24.350.000 kr.-ulernissaat allassimavoq, naak 4.350.000 kr.-ulersussaagaluartut. Aqqissuussaani kukkunerup missingersuutitut ilanngussap kalaallisuuani qallunaatuuanilu iluarsineqarnissaa ataatsimiititaliap kaammattuutigaa.

### **Aningaasaqarnermut Ataatsimiititaliap aalajangenera**

Aningaasaqarnermut Akileraartarnermullu Ataatsimiititaliami amerlanerussuteqartut taamatut oqaaseqaateqarlutik Naalakkersuisut inassuteqaataat akuerivaat.

Inussiarnersumik inuulluaqqusillunga

Aqqalu C. Jerimiassen

Aningaasaqarnermut Akileraartarnermullu Ataatsimiititaliap siulittaasua